

## የሱስሳ ብሽኖ ሼሽክዲና

### ማርቆስ 9

1. “ጫግሻንቴኸኖ ኖ ኬግያ “እንታ የናንቴ ጎንደና እጌያይ፤ ኤና ክና ዎያዳናሳ ባክሮ ባሪያሳ ማንግስትኖ ካንታንካ ኮናአይን ይሳ ሃገዛራ ኤና ዋኒ ዴምዲን ጂምና ዳይዲና ና” ክያማዶ።
2. ሮሮ ላይሳኸኖ ራስባራ የሱስ ጴጥሮስቤ፤ ያዕቆብቤ የዋንስቤም ጫግሻንቴ ጌማር ጉዳጲ ካላዛራ አንሣንቴ ዉትዲና፤ አጎታርካም ይዳሪና ኬዶ፤ ኬሳ ዎትሮኸኖ ብሽኖ ክሳ አክምዲና።
3. አገላኖ ክሳ ፔሮጎ ኤዲ አገላ ጩባያ ካላሳ ጩባንቴ ጫውልሻዳያሳ ጳባራ ካልሎን ጫውሊ ማትዲና።
4. ኤልያስቤ ሙሴቤ የሱስ ላማ ክንካ ኬያሳውካ ክናንቴ ሃገንዲዲና።
5. ጴጥሮስ የሱስ ግያ “አስታማራዮ፤ ራቃ ካሮ ዎዳና ዎናንቴ ባሺና፤ ጋፓ ካላም ሃናንቴ፤ ካላም ሙሴናንቴ፤ ካላም ኤልያስናንቴ ጋፓ ማካም ዎኬና” ክያማዶ።
6. ኬ ጌጲ የኩርትንዳዶንታኸ የራ ይጌያያም ዴስማም።
7. ሃያንቴኸኖ ሉፕኖ ናዴ ኬም ክጭዲና፤ ሉፕንሣ ኢሮጎ “አጋ ናሳ እሳ እናሻያና፤ ኪም ኤሳርማቴ!” ሃማያ ዩ-ዎ ኤሳርምዲና።
8. አጋዛራ ይሳ ዴምር ኬሼድና የሱስሳ አባራ ኤዲ ካላኸኖ ኬላማ አብ ቆልማም።
9. ጌማርታባራ ይያንቻን ዋዳንካ ኤዲ ናሶሳ ዴምዲሮኸ ክሳ ዳጳዛራ የራ ይያፓዳናም ኤዲ ካላናንቴኸኖ ጌያን ኬጋራኸናንቴ ኬም ክሊዲና።
10. ኬኸኖ አገ ኬናንቴ ጌይዳዳም ይሳ ዎይላምሮጎ ዎድዲና፤ ኮዶንካም ዴምዲንባራ ዳጳዳይኖ ሃር ኮዶንም ክንካ ዴላቅቴና ኬዶ።
11. ሃያንቴኸኖ “ኤና ሙሴ ዳምብን ኡካይና ብራንቴ ናአንግያንዳ ኤልያሲና ሃርናንቴ ኬያሜ?” ሃማንቴ ክካላ ኬ አይሲዲና።
12. የሱስካም ኬግያ “ይያማንካም ኤልያስ ብራንቴ ናዴ የር ፓይላ ውልም አና ኮዳግያ ሃያና ክያያይ፤ ታ ኤዲ ናሶ ጋሎ ጴፅ ክጋሌኸናንቴቤ ኪም ቦዋዴኸናንቴ ይንናንቴን ዋርቃትሮጎ ኡካዳዶኖ የኸላ ሃር ኮታኬ?
13. ኮዶንካም እንታ የናንቴ ጌያና እጌያይ፤ ኤልያስ ብራንቴ ናእዲና፤ ኬኸኖ ክሳ ዋርቃትሮጎ ኡካዳዳግያ የራ ይዛጋዳናም ክዛራ ሃይዲና ና” ክያማዶ።

### ናሳ ኡስን ዛርቦን ይንዛራ ይዳ ፓሺዲና

14. ታማርና ይሳ ሽዳዳናዛራ ማታቴ ኬንና ዛርቦን ጴፅኖ ኬም ታኸንቴቤ ኤና ሙሴ ዳምብን ኡካይና ኬላማ ክንካ ዜርምቴ ኬዳኺ ኬ ሃፕዲና።
15. ዛርቦን ፓይላ ኪም ይያፓና አጋዛራ የርሻንቴ ኪም ጌሳናንቴ ክዛራ ጎባኸ ናእዲና።
16. ኖኸኖ “ኬላማ ክንካ ይንናንቴን የዜርማይኖ ጎይ ሃርባራቴ?” ሃማንቴ ኬኸኖ አይስዲና።
17. ዛርቦንን ባክሮ ኤዲ ካላ ክግያ፤ “አስታማራዮ፤ ኡስን ዛርቦን ይንዛራ ዳአንቴ አፖን ይዱዲሳዳ ናሳ እሳ እንታ ሃዛራ ባአቴ ናእዲና ና” ክያማዶ።

18. ባሪያዎኖ ክሳ ኮዳጳን ዋዳንካ ኪም ዳባና ኮዳባይ፤ አፖንካ ክሳ ዱቦና ዉታይ፤ ይሳ ግግርን ማሳና ክማሳይ፤ ብሽኖ ክሳ ዛባና ኮዛባይ፤ ኡሳ ዛርቦም ኬቡሌኻናንቱ ታማርና ሃሳም እንታ አይስዲና፤ ኮዶን ኬ ቻልዲማም።”
19. የሱስ ኬናንቱ ማሳንቱ፤ “የቲህ ሃርያኖ አምንሞኖ ኮኖ፤ ላይ ሃማዛራ የላማ ክንካ እዴ? ላይ ሃማዛራ የናንቱ እዶንሼ? ናሳም አራ ኢዛራ ባአማቱና!” ክያማዶ።
20. ኤናኻሞ ክዛራ ባአቱ ናእዲና፤ ኡሳ ዛርባኻሞ የሱስም ይፓዶን ዋዳንካ ናሳም አጋዛራ ግባዝስዲና፤ ኖኻሞ ፔሮጎ ጳርፃንቱ ግርጫ ጋእዲና፤ አፖንካ ክሳ ዱቦ ዉታን ካርስዲና።
21. የሱስ ናሳሳ እምባግያ፤ “ናሳም ኡሳ ዛርባ ክየዳኻ ሃማግያ ክካፓዴ?” ሃማንቱና ክአይሳዶ። ኖኻሞ ክግያ፤ “ክሳ ናሳሞሮኻ ካርሳንቱና፤
22. ኪም ዴሳናንቱ ይዛጋዶንታኻ እይ ጲፅ ኖርቤ ኑንቆርቤ ዳብዲና፤ ኮቻሊማያ ዳና ዎናንቱ ቡርቃዲማ፤ ዎም ኬልሽማ” ክያማዶ።
23. የሱስካሞ ክግያ “ ኮቻሊማያው ሃማዶ? ኤያ አምናያናንቱ የር ፓይላ ውል ቻሊማና ኮቻሊማይ ና” ክያማዶ።
24. አጋዛራ ናሳ እምባኻሞ የሱስ ግያ፤ “እንታ አምናና እአምናይ፤ እንታ እአምናድሞን እባሼኻናንቱ ኢም ኬልሽማ!” ሃማንቱ እላትዲና።
25. የሱስካሞ ዛርስኖ ባቃንቱ ክዛራ ጎባኻ ኮናአይንም ይያፓና፤ “ያ ቃሞን ካያቤ አፖንሣ ዱዳቤ ኡሳ ዛርባ ክባራንካ ዉትማ! ናንሢ ማታንቱ ክዛራ አርዳን ሃጋሬኻናንቱ እንታ ሃናንቱ ጌይዲና” ሃማንቱ ኡሳ ዛርባ አይትዲና።
26. ኡሳ ዛርባ እላታንቱ ናሳም ካልሎን ማርፅ ማርፅ ዳባንቱ ክባራንካ ዉትዲና። ኤዲኖ ጲፅኖ “ኖ ጃይዲና” ኮሳ ሃማዛራ ናሳኻሞ ኤዲ ጃዳግያ ማትዲና።
27. ኮዶን የሱስ አኒን ክሳም የዳንቱ ዳሲዲና፤ ናሳኻሞ ዳጳንቱ ዎይዲና።
28. የሱስ አኖንዛራ ክአርዳኻ ታማርና ክሳ ይዳር፤ “ዎቲህ ቡላናንቱ ይንናንቱን ዎቻላድማ ሃርናንቱቱ?” ሃማንቱና ክካላ ኬአይሳዶ።
29. ኖ ኬግያ ይጌይና፤ “ኮግያዎኖ ይንካ ኮውታይኖ ባሪያም ምስኮቤ ቶሮንዳንቱ ባሪያ ምስኮቤ ሶጎና ና” ክያማዶ።
30. አጋሮኻ ኬ ዳጳንቱ ገሊላኻ ሳግዲና፤ የሱስ ክዳ ራቃም ኤዲ ካላኻሞ ኮዴቤኻናንቱ ዛጋድማም።
31. ታማርና ይሳናንቱኻሞ፤ “ኤዲ ናሶ ኤናሳ አኒካ ሳስካንቱ እማና እንዳይ፤ ኬኻሞ ኪም ዴሳና ኬዴሳይ፤ ሮሮ ማካንሣ ራስባራ ዳጳና ክዳጳይ” ሃማንቱ ታማርስቱና ክዶ።
32. ኮዶን ኬኻሞ ኬናንቱ የራ ክጌያይና አርድማም፤ ኮሃማይን ክካላ አይሳናንቱ ኬ ኩርቲንዲዲና።

**ውል ካላንካ ሳጋያ ሃውቱ?**

33. አጋሳ ራስባራ ቅፍርናሆምዛራ ኬ ናእዲና። ኖ አኖን አርዳንቱ ራስባራ “እኒ ጎይሮጎ የክትማይኖ ሃርባራቱ?” ሃማንቱና ኬኻላ ክአይሳዶ።
34. ኮዶን ኬኻሞ እኒ ጎይሮጎ ኬክትማይኖ ውልካላ ሳጋያ ሃውቱ ሃማያ ጎያባራ ኮዶንታኻ ኬ ጫካምዲና።
35. ኖ ዳርቃንቱ ታማርና ይሳ ታጲ ላማናም ግስማንቱ ኬግያ፤ “ብራሮጎ ዳናንቱ ኤያ ዛጋያ ኤና ውልሳ ቱንሢርቤ ኤና ውልናንቱ ዋዲማያቤ ክዴ ና” ክያማዶ።
36. ናሶ ሾሊ ባአንቱ ኬሳ ባክሮጎ ዎይስዲና፤ ኪም ሹባንቱ፤
37. “ናና ሾሊና ክና ግዶር ካላም እሳ ናብንካ ኤያ ቻያ ኢም ቻና ክቻይ፤ ኤያ ኢም ቻያኻሞ ኢም ሶጎ ጋራንቱ ኤያ ኢም ንእሳዳም ካውልና ክቻይ ና” ኬግያ ክያማዶ።

**ኤና ዎም ቶዛዲምና ፓይላ ዎላማ ክንካና**

38. የዋንስካሞ፤ “አስታማራዮ፤ ኤዲ ካላ ሃሳ ናብንካ ቤርናም ክቡልካ ዎቲህ ሃፕዲና፤ ዎም ክጫግሞንታኻ ዎቲህ ኪም ማርዲና ና” ክያማዶ።

- 39. ኮዶን የሱስ ይንታና ክያማዶ፡- “የማርናና፤ ኤዲ ካላ እሳ ናብንካ የርን ሃሚማንግያዶንም ሃያንቴ ይሪካ እዛራ የር ዛርቦ ጌያናንቴ ቻሊማሞ፤
- 40. አጋታኻ ኤና ምም ቶዛዲምና ፓይላ ምላማ ክንካና፤
- 41. እንታ የናንቴ ጎንዴና እጌያይ፤ የቲህ ክርስቶስ ጋንት የዶንታኻ፤ ኤያ እሳ ናብንካ የናንቴ ኑንቆ ሻርቃ ካላ እማያሳ ባዛ ካይማሞ።”

**ኤያ ዋናንቴ ዱርሚ ማቲንቶ**

- 42. “ኤና ኢም አምናይና ሻቃቅ ሃምና ክናሳ ካላም ኤያ ራስዛራ ማሳያሳ አጋሳ ሱኒ ዴስማያ ደፃ ቆርጭሮ ዳካንቴ ሻፓስሮ ዳባድዳና ባሺና።
- 43. አጋታኻ አና ሃሳ ሃም ሴሶዛራ ክባአያዳና፤ ቱምማ፤ አን ላማኻ ዳአንቴ ጋሃንምንዛራ ሃአርዳንናንቴ ዱጃ ዳአንቴ ሳዳንዛራ ሃአርዳይኖ ሃናንቴ ባሺና፤
- 44. ጋንምሮ ቃዮና ጂማሞ፤ ኖኖኻሞ ካይማሞ።
- 45. ራ ሃሳ ሃም ሴሶዛራ ክአንሣያዳና፤ ቱምማ፤ ራ ላማኻ ዳአንቴ ጋሃንምንዛራ ሃዳባዳንናንቴ ሾኾሎ ዳአንቴ ሳዳንዛራ ሃአርዳይኖ ሃናንቴ ባሺና፤
- 46. ጋንምሮ ቃዮና ጂማሞ፤ ኖኖኻሞ ካይማሞ።
- 47. አፓ ሃሳ ሃም ሴሶዛራ ክአርሳያዳና፤ ኮቻራቴ ቡልማ፤ አፒ ላማኻ ዳአንቴ ጋሃንምንዛራ ሃዳባዳንናንቴ አፒ ካላኻ ባሪያሳ ማንግስትንዛራ ሃአርዳይኖ ሃናንቴ ባሺና፤
- 48. ጋንምሮ ቃዮና ጂማሞ፤ ኖኖኻሞ ካይማሞ፤
- 49. አጋታኻ ኤና ፓይላ ውልም ኖንካ ኮቃና ኮቃዳይ።
- 50. ሶቆ ፃሊና፤ ኮዶንካም ሶቆ ሶቆ ኮታክምና ሃስ ሃያንቴ ማሳቴ ኮዳፀኻናንቴ የያዬ? ሶቆ የሳ ኢሮጎ ኮዴ፤ ክሳካሞ አፖም ናሽማቴ።”

**አይ ቡላ**

**ማርቆስ 10**

- 1. የሱስ አጎታርካ ዳጳንቴ ይሁዳ ፔንቤ የርዳኖስ ሌኤንሣ ሳባራን ራቃ ዳዛራ ያእዲና፤ ዛርስኖ ፕርካሞ ክካላ ፑጭዲና፤ ኖ ብራንቴ ይያያያግያ ኬም ታማርስዲና።
- 2. ፋራሳዊይና ዋኒ ክካላ ናዴ፤ “ኤዲ ካላ ይሳ ሜንሣ አይን ክቡሌኻናንቴ ጌይዲዲው?” ሃማንቴ ዴሳንቴ ዴሳድማግያ ኬ ጋሮ ክካላ አይስዲና።
- 3. ኖ ኬናንቴ ይማሳና፤ “ሙሴ ሃር ሃማንቴ የናንቴ ክጌያዴ ና?” ክያማዶ።
- 4. ኬኻሞ ክግያ፤ “ሙሴ ኤያ ሜን ይሳም ይንካ ይቡላያ ኤላቃም ዋርቃትሮጎ ኡካንቴ ሜኒም ቡልዴኻናንቴ ጌይዲና ና” ኬያማዶ።
- 5. የሱስ ኬናንቴ ይማሳና ይንታና ክያማዶ፡- “ሙሴ ዳምብን አጎም ይንናንቴ የናንቴ ክኡካዶኖ የሳ ምይላምሳ ቆራሞ ሼዳንቴና።
- 6. ኮዶንካሞ አና ኤናም ባሪያ ይዎዶንሣ ካርስሮ አንጌቤ ሜቤ ሃያንቴ ኬም ክዎዳዶ።
- 7. አጋታኻ ኤዲ ናሶ እምባቤ እንዳንቤም ጋራና ክጋራይ፤ ይሳ ሜን ላማኻሞ ክንካና ክዳይ።
- 8. ኬላማ ውል ማአሲ ካላና ኬማታይ፤ ናንሢ ኬ ማአሲ ካላና፤ ኤዲ ላማ ትማሞ፤
- 9. አጋታኻ ባሪያሳ ማአሲ ካላ ሃይዳዶን ኤዲ ካላካሞ ኬም ፓሽሻን ኮጋሬ።”
- 10. ፕርካሞ ማታቴ አኖንዛራ ኬአርዳና፤ ታማርና ክሳካሞ የራ እግናም ክካላ ማሳቴ አይስዲና።
- 11. ኖኻሞ ኬግያ ይማሳና፤ “ኤዲ ካላ ሜን ይሳም ቡላንቴ ሜ አብ ኬማያ ሜን ይሳዛራ ቡላሞና ክያአዶ፤

12. ናኻም አንጋ ይሳም ቡላንቴ አንጌ አብ ይኬማዲና፤ ናኻም ቡላምና ኮያአይ ና” ክያማዶ።

**የሱስ ናናናንቴ ፓዲ እምዲና**

13. የሱስ ናናዛራ አን ይሳም ክዎዴኻናንቴ ኤና ናናም ክዛራ ባአቴ ናእዲና፤ ኮዶን ታማርና ክሳ ኤናም ጎርዲና።

14. የሱስ አጋም ሃፓንቴ ዋጭማንቴ ኬግያ ይንታና ክያማዶ፡- “ናና እዛራ ኬኔኤ፤ የማርናኖ፤ ባሪያሳ ማንግስትኖ ኬግያምና ናንቴና።

15. እንታ የናንቴ ጎንደና እጌያይ፤ ባሪያ ማንግስትንም ኤና ናና ጋንታግያ ቺምና ኮዛራ ካላካም አርድማም።”

16. ናናም ሹባንቴ አን ይሳም ኬዛራ ዎዳንቴ ኬናንቴ ፓፅን እምዲና።

**ባርሻስ ዎድንታሳ አይሳ**

17. ሃያንቴ ኖ አጎታርካ ዳዳንቴ ጎይን ያአን ክካርሳና፤ ኤዲ ካላ ጎባኻ ክዛራ ናዴ ክሳ ዎትሮ ኮምፓርሳንቴ ክግያ፤ “አስታማራ 9ላ፤ ሳዳን ላይን ዳይንም ሃፓናንቴ እባራ ሃር ሃይንቶ ኮዛግሴ ና?” ክያማዶ።

18. የሱስ ይንታ ሃማንቴ ክናንቴ ማሲዲና፡- “ሃርናንቴ እግያ 9ላ ሃያሜ? ባሪያ ካላስሳ አባራ ኤዲ 9ል ቆልማም።

19. ዳምብናም ያ ደስዲና፡- “ሃዴስናኖ፤ ቡሎ ሃዳናኖ፤ ሃዲብናኖ፤ ፓጋሞኻ ማኚ ሃዳናኖ፤ ኤዲም ሃታይስናኖ፤ ሃምባቤ ሃንናቤም ጎብማ።”

20. ኤያኻም ክግያ፤ “አስታማራዮ፤ እሳ ናሳሞሮኻ ካርሳንቴ ዳምብና እግና ፓይላ ውልም እንታ ጫግዲና ና” ክያማዶ።

21. የሱስካም ኤያም ሽዳንቴ ናሽዲና፤ “ታ ናንሢ ሃሳ የር ካላ ጀግዲና፤ ቃልቴ ኮይና ሃሳ ዳናም ፓይላ ሻንሽማ፤ ኤና ኩፕናናንቴ እምማ፤ ጳ ፖላሮ ዎዲማምን ቻና ሃቻይ፤ ሃያንቴኻም ናዴ ኢም ጫግማና” ክግያ ክያማዶ።

22. ኤያኻም እግናም ይኤሳራና ላፖ ክሳም ጃይዲና፤ ኮይሶኖ ክሳ ጴፀ ኮዶንታኻ እልል ጃንቴ ያእዲና።

23. የሱስ ይሳ ዴሞዛራ ሽዳንቴ ይሳ ታማርና ግያ፤ “ኤና ዎድሞናናንቴ ባሪያ ማንግስትንዛራ አርዳኖ የር ካልሎን ሃምንታ ዋቺቴ ና!” ክያማዶ።

24. የራ ክጌያዳና ታማርና ክሳ ናንቴኻም የር ዋና ማትዲና፤ ኮዶን የሱስ ፕርካም ኬግያ ይንታና ክያማዶ፡- “ናናቶ፤ ባሪያሳ ማንግስትንዛራ አርድንቶ የር ሃምንታ ዋቺቴ!

25. ኤና ዎድሞና ባሪያሳ ማንግስትንዛራ ኬአርዳንናንቴ ጋማላ ማርፌሳ ፑላኻ ኮውታይኖ ባዶና።”

26. ታማርና ናንቴኻም ካልሎን የር ዋና ኮማቷኻ፤ “ታ አጎንታ ዳና ሃውቴ ዳቃናንቴ ቻላያ ና?” ክጌያ ኬያማዶ።

27. የሱስ ኬም ሽዳንቴ፤ “ኮኖ ኤዲ ናሶናንቴ ቻሊማም፤ ኮዶን ባሪያናንቴ አጎንታ ትማም፤ ባሪያናንቴ የር ፓይላ ውል ቻሊማና ኮቻሊማይ ና” ኬግያ ክያማዶ።

28. ጴጥሮስካም ክግያ፤ “ዎቲህ የር ፓይላ ውልም ጋራንቴ ሃም ጫግዲና ና” ክያማዶ።

29. የሱስካም ኬናንቴ ይንታ ሃማንቴ ማሲዲና፡- “እንታ የናንቴ ጎንደና እጌያይ፤ እቤ፤ እሳ ደላቅን 9ሊን ኮቤናንቴ ሃማንቴ ይሳ አኖንቤ፤ እንዳን ናናቤ፤ እንዳን ናና አንዛናቤ፤ እንዳንቤ፤ እምባቤ ይሳ ናናቤ፤ ሃምንቤም ኤያ ጋራዳ ፓይላ፤

30. ታ ዋዳን ኮካ ባቆን ላማ አኖናቤ፤ እንዳን ናናቤ፤ እንዳን ናና አንዛናቤ፤ እንዳናቤ፤ ናናቤ ሃሚናቤም እይ ማቶሳ ጳባራ ችማ፤ ፔን ሃሊን ናአናናንቴን ዶሮ ሳዳን ላይ ዳይንም ኤዲ ችማ ሽዳያ ቆልማም።

31. ኮዶንካም ኤና ጴፀና ብራሮን ዳና ራስዛራና ኬያአይ፤ ራስባራን ዳናኻም ብራኒና ኬሳጋይ።”

**የሱስ ፕርካም ይጃይንም ብርሳንቴ ጌይዲና**

- 32. የሩሳሌምዛራ ወቲቲ ኬዳኻ፤ የሱስ ኬም ብራንቲ ይቴና ክዶ፤ ታማርና ክሳ ናንቴኻም የር ዋና ማትዲና፤ ኤና ዋኒ ኪም ጫግቴን ዳናኻም ኩርቲንዲዲና። ሃያንቴ ታማርና ይሳ ታሲ ላማናም ዛርስን ካላ ዋና ቡላንቴ ክዛራ ሃር የስካናንቴ ኮዶንም ና ጌይዲና፤
- 33. ይንታኻምና ኬግያ ክያማዶ፡- “የሩሳሌም ዛራ ወታና ዎወታይ፤ ኤዲ ናሶም ካህንናሳ ኤና ጋርናቤ ኤና ሙሴ ዳምብን ኡካይና ናንቴ ሳስካንቴ እማና እንዳይ፤ ኬኻም ክጄኻናንቴ ክዛራ ብቶን ታኻና ኬታኻይ፤ ሳስካንቴ ኤና ቶርስና አብናናንቴ እማና ኬእማይ፤
- 34. ኬኻም ክንካ አልማና ኬአልማይ፤ ክዛራ ፓፅን ማማና ኬማማይ፤ ኪም ዳና ኬዳይ፤ ሃያንቴኻም ዴሳና ኬዴሳይ፤ ኮዶን ና ሮሮ ማካምንሣ ራስባራ ዴምዲንባራ ዳጳና ክዳጳይ።”

**ያዕቆብቤ የዋንስቤሳ አይሳ**

- 35. ሃያንቴ ዘብዲዮስ ናና ያዕቆብቤ እንዳን ናሳ የዋንስቤ ክካላ ናዴ ይጌይና፤ “አስታማራዮ፤ የራ ሃኻላ ዎምስካይናም ፓይላ ዎናንቴ ሃየኻናንቴ ዛጋና ዎዛጋይ ና” ኬያማዶ።
- 36. ና “ሃር የናንቴ እያየኻናንቴ የዛጌ ና?” ኬግያ ክያማዶ።
- 37. ኬኻም “ሃሳ ጎሺንካ ሃዳርቃን ዋዳንካ ዎሳ ካላም ሃሳ ምዛቅባራ፤ ካላም ሃሳ ዋርካታባራ ዎዳርቁኻናንቴ ናሽማና” ኬያማዶ።
- 38. የሱስ ኬግያ፤ “የቲህ የራ የምስካይና ዴስማም፤ እንታ ይንካ እውጫያ ሻርቃስካ ውጫናንቴ ቻላው የቻላይ? ሻዮ እሻይዳይንም ሻይዳናንቴ ቻላው የቻላይ ና?” ክያማዶ።
- 39. ኬኻም፤ “ዩኒ፤ ቻላና ዎቻላይ ና” ኬያማዶ። የሱስካም፤ “እንታ ይንካ እውጫያ ሻርቃስካ ውጫና የውጫይ፤ እንታ ሻዮን እሻይዳይንምካም የቲህ ሻይዳና የሻይዳይ፤
- 40. ኮዶንካም እሳ ምዛቅባራቤ ዋርካታባራቤ ዳርቅንታኖ ኤና ይንናንቴ ቃባዳዳናንቴ ዳያና፤ እንታ እባራንካ የር ኢእማያ ትማም ና” ኬግያ ክያማዶ።
- 41. ታማርና ክሳ ታሲና ዋኒ እግናም ይኤሳራና ያቆዕብቤ የዋንስቤዛራ ዋጭማን ካርስዲና።
- 42. የሱስ ኬም ክዛራ ፑእሻንቴ ይንታና ኬግያ ክያማዶ፡- “ቶርስን ኤናሳ ኤና ጋርና ሃማንቴ ቃባዳይና ኬዛራ ጌሲ ኬዶንቤ፤ ኤና ኬሳ ጌሲና ኬዛራ ይሳ ጌሳምንም ኬዳዋይንም የቲህ ዴስዲና።
- 43. ኮዶን የባራ አጎንታ ትማም፤ የሳ ባክሮጎ ኤዲ ጋሪ ማታናንቴ ኤያ ዛጋያ፤ የናንቴ ዋዲማያ ክዴ፤
- 44. ኤያ ብራሮ ዳናንቴ ዛጋያ፤ ኤና ውልሳ ካይሲ ክዴ፤
- 45. አጋታኻ ኤዲ ናሶ ኤናናንቴ ዋድማናንቴቤ ሳዳን ይሳም ኤዲ ጴፅናንቴ ባዛ ሃያንቴ እማናንቴና ክናአዶ፤ ክናንቴ ዋድማዴኻናንቴ ትይማም ክናአዶ።”

**የሱስ ኤያ አፕን ካያስ በርጤጫዎስም ፓሽሽዲና**

- 46. አጋሳ ራስባራ ኢያራተዛራ ኬ ናእዲና። የሱስቤ፤ ታማርና ክሳቤ ዛርስምቤ ኢያራተባራኻ ኬውትና፤ ኤያ አፕን ካያስ ጤጫዎስ ናሳ በርጤጫዎስ ጎይንሣ ዴዎሮ ዳርቃንቴ ምስክምቴና ክዶ።
- 47. ኖኻም ናዝሬት ጋንታ የሱስ ክዶንም ይኤሳራና፤ “ዳዊት ናሳ፤ የሱስ፤ እናንቴ ቡርቃዲማ!” ሃማንቴ እላታን ካርስዲና።
- 48. ኤዲኖ ጴፅኖኻም ጫክ ክያማኻናንቴ ኪም ጎርድና፤ ኮዶን ና “ዳዊት ናሳ እናንቴ ቡርቃዲማ!” ሃማንቴ ካልሎን እላትዲና።
- 49. የሱስካም ዎያንቴ፤ “ኪም ግስምማቴና” ክያማዶ። ኬኻም ኤያ አፕን ካያስግያ፤ “ሃይ ሌምማ፤ ዳጵማ፤ ሃም ግስምዲና ና!” ኬያማዶ።
- 50. ና አፓላን ይሳም ዳባንቴ፤ ዳጳንቴ የሱስዛራ ናእዲና።

51. የሱስካም ክግያ፣ “ሃናንቴ ሃር እያየኸናንቴ ሃዛጌ ና?” ክያማዶ። ኤያ አፕን ካያስካም ክግያ፣ “አስታማራዮ፣ ሃፓናንቴ እዛጋይ ና” ክያማዶ።

52. የሱስካም ክግያ፣ “ይማ፣ እምናትኖ ሃሳ ሃም ዳክሽዲና ና” ክያማዶ። አፕኖ ክሳኸኖም አጋዛራ ፖቺምዲና፣ ኖ ጎይን የሱስም ጫጋንቴ ያእዲና።

**የሱስ ጎሺንካ የሩሳሌምዛራ አርድዲና**

**ማርቆስ 11**

1. ኬ የሩሳሌምዛራ ዪዲናዴ ዳብሬ ዘይት ጌማርታ ዴምሮን ዳና ቤቴ ፋጌቤ ቢታንያቤኸላ ይየስካና፤ የሱስ ይሳ ታማርናሳ ላማም ይንታ ሃማንቴ ኬም ይእስዲና፡-
2. “ሞራ የሳ ምትሮን ዳዛራ ይማቴ፤ ኤዲ ይንዛራ ዳርቃንቴ ይዴስማ ኡኩል ናሶ ዳክማንቴ ኮዳኸ ሃፓና የያፓይ፤ ቡላንቴ አራ ዳቴ እማቴ።
3. ኤዲ ካላካም የግያ፣ ‘ሃር ሃይቴ የዴ?’ ክያምና፤ ‘ጌጳናንቴ ዛግሳና ክዛግሳይ፤ ኖ ይሪካ ማሳቴ ገእሳና ክንእሳይ’ ሃማንቴ ክናንቴ ጌይማቴ።”
4. ኬኸኖ ያእዲና፤ አኖ ካላሳ ሙልዳፖንሣ ጎይሮ ኡኩልቶን ናሳም ዳክማንቴ ክዳኸ ኬያፕዲና፤ ኬኸኖ ቡልዲና።
5. አጎታር ኤና ምያንቴን ዳና ግዶር ዋኒ፤ “ሃርናንቴ ኡኩልቶን ናሳም የቡሌ ና?” ኬግያ ኬያማዶ።
6. ታማርናኸኖ የሱስሳ የራ ጌይዳዳናም ኤናናንቴ ኬጌያዶን ዋዳንካ ኤናኸኖ ዳቴ ኬየኤኸናንቴ እምዲና።
7. ኡኩልቶን ናሳም የሱስዛራ ዳቴ ናዴ፤ አፓላና ይሳም ኡኩልቶን ናሳሳ ዙሎሮጎ ኬአፓኸ ኖ ዛራን ዳርቅዲና።
8. ኤዲኖ ጳፅኖ አፓላና ይሳም ጎይሮጎ አፕዲና፤ ኤና ዋኒካም ቃልጳ ቁንፃንቴ አፕቴና ኬዶ።
9. ኤና ክሳ ብራሮ ይቴን ዳናቤ ክሳ ራስባራ ጫግቴን ዳናቤኸኖ ናቅሲ ይሳም ዴግ ሃያንቴ ይንታ ሃምቴና ኬዶ፡- “ሆሳዕና፤ ኤያ ጌጳሳ ናብንካ ናአያ ይንናንቴን ፓፅን እንዳዳ ና!
10. ምምባ ዳዊትሳ ማንግስትኖ ናአይኖ ፑጋዳዳና! ሆሳዕና ጳ ፖላናሳ ፖላሮኸ!”።
11. የሱስካም የሩሳሌም የስክዲና፤ ሃያንቴ ባርዮን አኖንዛራ አርድዲና፤ ይሳ ዴምሮ የራ ዳናም ፓይላ ሼድዲና፤ ፔኖ ኮእባናዶንታኸ ታማርና ይሳ ታጲ ላማና ላማ ቢታንያዛራ ያእዲና።

**የሱስ ባርዮን አኖንባራ ኤናም አይቲዲና**

12. ዋጋላምንካም ቢታንያ ግዶርካ ኬዉታንካ የሱስ ዳቃዲዲና።
13. ኖ ባላስ ጎብ ካላም ፔጌኸ ሃፕዲና፤ ኬዳ አፒ ካአንቴም ክዶኖ ሃማንቴ ክዛራ ናእዲና፤ ኮዶንካም ባላሳሳ አርፕና ይንካ አፒን ካዳይና ኬትምንታኸ ቃልጳናሳ አባራ የር ካላካም ዛራን ሃፓድማም።
14. ሃያንቴ ባላሳግያ፣ “ሃልታላኸ ካርሳንቴ ኤዲ ካላካም ሃግዶርካ አፒ እሣን ክጋሬ ና” ክያማዶ። ታማርና ክሳ እግናም ክጌያን ኤሳርዲና።
15. የሩሳሌምዛራኸኖ ኬ ናእዲና፤ ሃያንቴ ባርዮን አኖንዛራ አርዳንቴ፤ ኤና ኮይናም ሻንሻይናቤ ኤና ሻናይናቤም አይታን ካርስዲና። ኤና ብሬን ክናንቴ አስካይናሳ ጠርጴዛንቤ፤ ኤና ምሌናም ሻንሻይናሳ ቦርኮቶናቤም ውንኩርስዲና፤
16. ኤዲ ካላኸኖ ባርዮን አኖንሣ ኢንካ ኮይሶ ባአንቴ ሳጋን ኮጋሬኸናንቴ ማርዲና።
17. ኬም ይታማርና ዋዳንካኸኖ “ ‘አኖኖ እሳ፤ ቶርስን ፓይላ ውልሳ ምስኮ አኖና ሃንዳይ’ ሃማንቴ ዋርቃትሮጎ ኡካዳዳዮው? ኮዶን የቲህ ኤና ዲብናሳ ጳልው ያያዶ ና!” ኬግያ ክያማዶ።
18. ኤና ካህንናሳ ጋርናቤ ኤና ሙሴ ዳንብን ኡካይናቤ እግናም ይኤሳራና፤ ጎይ ይንካ ኪም ይካይሳያ ዛጋን ካርስዲና፤ አጋኸኖ ዛርስኖ ፓይላ ታማርን ክሳም ኮየርሻዳኸ ኬ ኪም ኩርቲንዲዲና።
19. ኮእባናናኸኖ ኬ ካታማስሮኸ ዉታንቴ ያእዲና።

**ባላስን ሃቃስ ዋቹዲና**

- 20. ዋጋላዎን ቡርን ጎይንካ ኬሳግና ባላስን ሃቃስ ይሳ ጫጭንካ ካውል ዋቻንቱ ክዳኻ ኬ ሃፕዲና።
- 21. ጴጥሮስናንቱ የራ ጳቅ ክያሟኻ የሱስ ግያ፤ “አስታማራዮ፣ ባላሳ ሃአሻዳ ዋቹዲና ና” ክያማዶ።
- 22. የሱስካሞ ማሳንቱ ይንታና ኬግያ ክያማዶ፡- “ባሪያኻ አምንማቱ።
- 23. እንታ የናንቱ ጎንደና እጌያይ፤ ኤዲ ካላ ጌማርታ ካግያ ‘ቡጭማንቱ ኛፓስንዛራ አርድማ’ ክያምና፤ አጋምካሞ ይሳ ዎይላምሮኻ ቡላንቱ ክአምናዳና የራ አጋ ክናንቱ ሃምማና ኬያማይ።
- 24. አጋታኻ የሳ ምስኮሮ የራ ባሪያኻላ የአይሳዳናም ፓይላ የቻዳግያ ሃያንቱ የአምናዳና የናንቱ ሃምማና ኮያማይ።
- 25. ሃያንቱ ምስካናንቱ የዎይና የምባ ጳ ፖላን ጋንታ ሴሶን የሳም የናንቱ ክጋሬኻናንቱ፤ የቲህካሞ ኤናዛራ ሴሶና ዳናም ጋርማቱ።
- 26. ኮዶን ኤናናንቱ የጋራዲምና የምባ ጳ ፖላን ጋንታኻሞ የሳ ሴሶናም የናንቱ ጋርማሞ።”

**የሱስሳ ጌጳሞንዛራ አይሶ ጳጲዲና**

- 27. ፕርካሞ ኬ የሩሳሌምዛራ ማታቱ ናእዲና፤ የሱስ ባርዮን አናንሣ ጊብንሣ ኢሮጎ ያይቱ ክዳኻ ካህንናሳ ጋርናቤ፤ ኤና ሙሴ ዳምብን ኡካይናቤ ዛርስንሣ ዞንዛናቤ ክዛራ ናዴ ክግያ፤
- 28. “የራ ክናም ሃር ጌጳሞኻ ሃዬ? የራ ክናም ሃየኻ ሃናንቱ ጌጳሞን እማዳ ሃውቱ?” ኬያማዶ።
- 29. የሱስካሞ ማሳንቱ ኬግያ፤ “ይንዳ እንታካሞ የኻላ አይሶ ካላ እአይሴ፤ ይንዳ የቲህ እናንቱ ማስማቱ፤ እንታካሞ የራ ክናም ሃር ጌጳሞኻ ሃይቱ እዶንም የናንቱ ጌያና እጌያይ ና።
- 30. የዋንስሳ ሻዮኖ ፖላሮኻሞ ኮናአዶኖ ሞ ኤዲ ካላንካ? ይንዳ የቲህ እናንቱ ጌይማቱ።”
- 31. ኬ ክጊያ፤ “ ‘ፖላሮኻና ዋምና’ ኖ ‘ታ ናንሢ ሃርናንቱ ኢም አምናን የጋራዴና!’ ዎግያ ክያማይ ና” ኬያማዶ።
- 32. ታ ‘ኤዲ ባራና’ ዋሜዬው?” ዛርስኖ ፓይላ የዋንስም ኤያ ባሪያሳ አፖን ጌያያ ጎንዳ ሃያንቱ ኮሼዳዶንታኻ ኬ ኩርቲንዲዲና።
- 33. አጋታኻ የሱስናንቱ “ዎቲህ ደስማሞ” ሃማንቱ ኬ ማሲዲና። የሱስካሞ ኬግያ፤ “ታ አጎንታ ዳና እንታካሞ የራ ክናም ሃር ጌጳሞኻ እያያይንም የናንቱ ጌይማሞና” ክያማዶ።

**ኤና ዎይንን ሃምንም ይንዛራ ኤልቅንዳዳናሳ ዳይንሞኖ**

**ማርቆስ 12**

- 1. ሃያንቱ ኖ ይንታ ሃማንቱ ኬናንቱ ዳይንሞኻ ጌያን ካርስዲና፡- “ኤዲ ካላ ይሳ ሃምሮጎ ዎይንን ሃቃን ኮርዲና፤ ዴሞን ኮሳም ካርሚ ጫእዲና፤ አሎን ይንግዶር ኮም ጩባዳይንም ኮይዲና፤ አንሣን ይንግዶር ኮም ዳቃንዳይንም ካይዲና፤ ሃያንቱ ኤና ሃምን ዳቃናይናናንቱ ኤልቅማንቱ ፔ አብዛራ ያእዲና።
- 2. አፒን ይንካ ካማዳይኖ ዋዳኖ ኮየስካና፤ ዎይንን አፒን ክናንቱ ባአቱ ናዴኻናንቱ ይሳ ካይስና ግዶርካ ካላም ኤና ሃምን ዳቃናይናዛራ ይእስዲና።
- 3. ኮዶን ኬ ኤያም የዳንቱ ዳንቱ አን ጉሮ ይእስዲና።
- 4. ፕርካሞ ካይስና ግዶርካ ካላም ይእስዲና። ኬ ሜቱ ክሳም ፓካንቱ፤ ክንካ አልማንቱ ማስዲና።
- 5. ፕርካሞ ካይስ አብ ይእስዲና፤ አጋምካሞ ኬ ዴስዲና። አጎንታ ሃያንቱ ኖ ክይእሳዳና ካይስና ዋኒ ጴፅና ግዶርካ ኬሳ ዋኒም ኬ ዳይዲና ዋኒምካሞ ኬ ዴሲዲና።
- 6. ፕርካሞ ኖ ኤዲ አብ ክይእሳያ ዳይዲና፤ አጋኻሞ ክሳ ናሳ ክናሻያና፤ ኖ ‘ኬ ናሳ እሳም ጎባና ኬጎባይ’ ሃማንቱ ኤና ፓይላ ውልሳ ቱንሥሮ ይእስዲና።

7. ኮዶን ኤና ሃምን ዳቃናይና፣ ላካ ሃምን ዳላያና፣ ንማቴ ኪም ወደሴ፤ ሃምንም ወቲ ወዳሌ ና፣ ክጊያ ኪያማዶ።
8. ሃያንቴ ኪ ኪም የዳንቴ ደሲዲና፤ ኪ ወይንን ሃምሮኻ ቡላንቴ ቡዶሮ ዳብዲና።
9. ታ ናንሢ ኤያ ወይንን ሃምንሣ እምባ ሃር ክያየ ሃማንቴ የቃቤ? ና ናአና ክናአይ፤ ኤና ሃምን ዳቃናይናም ደሳና ክደሳይ፤ ወይንን ሃምንካም ኤና ዋኒዛራ ኤልቅማና ክኤልቅማይ።
10. አፓ ዋርቃትሮ ይንታ ሃማያም የቲህ ናባባዳዬው፤ ኤና አኖን አሽካይና ይበዋዳ ሱናስ አጋ አኖንሳ ጉራ ማቲዲና።
11. ጌጳ አጋም ሃይዲና፤ አንኖኻም ወሳ አፕንናንቴ ካልሎን የር ዋና ማቲዲና?”
12. ዳይንሣ ክጊያዳ ኪናንቴ ኮዶንም ኪ ይደሳደንታኻ ኪም የዳናንቴ ዛግዲና፤ ኮዶንካም ኪ ዛርስንም ይኩርቲንዳዶንናንቴ ኪም ጋራንቴ ያእዲና።

**ብታ ቁሳርናንቴ ግብርን ካሻዳይኖ**

13. ሃያንቴ ኪም ደሳቅካ ዳብንሻናንቴ ኪ ፋራሳዊይናቤ ሄሮዶስ ኤናቤ ግዶርካ ኤዲ ክዛራ ቡልዲና።
14. ኪኻም ናዴ ክግያ ይንታና ኪያማዶ፡- “አስታማራዮ፣ ያ ጎንዴ ኤዲ ሃዶንም ወቲህ ደስዲና፤ ኤናሳ ወቲም ሃሼዲሞንታኻ ያ ኤዲም ፓሊማም፤ ባሪያሳ ጎይንም ሶጎ ጎንዴና ሃታማርሳይ፤ ኤሳንካ ቁሳርናንቴ ግብር ካሽንቶ ዛግሳም ኮዛግሳይኖ ሞ ዛግሳይ?”
15. ኤ ወቲህ ወካሻያም ሞ ካሻን ወጋሬ?” ኮዶን የሱስ ኪ ካይስንሦ ኤዲ ኪዶን ደሳንቴ፤ “የቲህ ሃርናንቴ አም ዳብንሻናንቴ የዛጌ? ይንዳ ዲናር ካላ እናንቴ ባአማቴ፤ እሼዴና” ኪግያ ክያማዶ።
16. ኪኻም ክናንቴ ባአቴ ናእዲና። ና ኪግያ “ላ ሃው ወቲቴ? የራ ዛራን ኡካዳዳ ሃው ጋንታቴ ና?” ክያማዶ። ኪኻም ክግያ “ቁሳር ጋንቲና” ኪያማዶ።
17. የሱስካም ቁሳር ጋይናም ቁሳርናንቴ ባሪያ ጋይናም ባሪያናንቴ እምማቴ ና” ኪግያ ክያማዶ። ኪኻም ኪም የርሽዲና።

**ኪሞንቤ ደምጲንባራ ዳጳንቤ**

18. አጋሳኻም ራስባራ ኤና ጃዳና ደምጲባራኻ ዳጳማም ሃማንቴ ጌያይና ሰዱቃዊይና ናዴ ይንታ ሃማንቴና ክካላ ኪአይሳይ፤
19. “አስታማራዮ፣ ኤዲ ካላሳ እንዳናሳ ሜ ኪማንቴ ናሶ አዲማ ክጂና፤ ኤያ አጋሳ ሜንም እንዳ ናሳ ኪማንቴ ሜቴ ክሳም ክወይሴኻናንቴ ሙሴ ወናንቴ ዋርቃትሮ ኡክዲና።
20. ታ ክሳ እንዳ ናና ሦጳና ዳና፤ ናሳ ቶይዳ ሜ ኪማንቴ ይሳ ሜቴም ወይስማ ጃይዲና፤
21. እንዳ ናሳ ላንሣ ኤስንም ኪማንቴ እሺማሳ ሜቴም ወይስማ ጃይዲና፤ ናሳ ማክንሳኻም ጎያ አጋኻ ጃይዲና፤
22. ናና ሦጳና ውል ኤስንም ኪምዲና፤ ኮዶን ኪ ፓይላ ውል ይሳ ሜቴም ወይሳድማም፤ ቱንሥሮ ኤስኖ ጃይዲና።
23. ታ ናንሢ እንዳ ናና ሦጳና ፓይላ ውል ኤስም ኪ ኪማዶንታኻ ቤሬ ደምጲሮኻ ይዳጲና ሃው ሜ ኮዴና?” ክግያ ኪያማዶ።
24. የሱስካም ይንታ ሃማንቴና ኪናንቴ ክማሳዶ፡- “የቲህ ይንናንቴ የዳንባይኖ ዋርቃትና ጋዛናቤ ባሪያሳ ካንታንቤም የደስሞንታኻና!
25. ኤና ጃዳና ደምጲንባራ ይዳጲና ጳ ፖላሮን ዳና ባሪያሳ ኤርጎን ኤና ግያና ኪዳይ፤ ኪምማም፤ ኪማዲማም።
26. ኮዶን ኤና ጃዳና ደምጲንባራ ኪዳጲይንም ባሪያ ቃዋሮ ‘እንታ አብራሃም ባሪያ፤ ይሳቅ ባሪያ፤ ያዕቆብ ባሪያና’ ክያማዶን ዋርቃትንሣ ኢሮጎ ሙሴ ክጊያዶን የቲህ ናባባዳዬው?
27. ባሪያ ኤና ሳዳንካ ዳና ባርዮና ኤና ጃዳና ባርዮ ትይማም፤ አጋታኻ የቲህ ጌጲ ዳምብዲና።”



- 28. ኤና ሙሴ ዳምብን ኡካይና ግድርካ ኤዲ ካላ ናዴ ኬ ክትምካ ኤሳርዲና፤ የሱስ አይሳ ክካላ አይሳዳዳናንቴ መልስ ልክ ክእማዶንም ኤያ ጳቅሳንቴ ክግያ፤ “ኤሳንካ ዳምብና ጌይዳዳና ግድር ውል ካላ ሳጋ ዳምባ ሃማቴ?” ሃማንቴ አይስዲና።
- 29. የሱስካም ይንታ ሃማንቴ ክናንቴ ማሲዲና፡- “ዳምብና ውል ካላ ሳጋ ዳምባ ካና፤ ‘ያ እስራኤል ኤሳርማ፤ ጌጳ ዎሳ ባሪያ፤ ባርዮ ካላና፤
- 30. ያኻም ባሪያ ሃሳ ጌጳም ሃሳ ዎይላምሮኻ ቡላቴቤ፤ ሃሳ ሳዳንካቤ፤ ሃሳ ቃቦንካቤ፤ ሃሳ ካንታንካቤ ናሽማ።”
- 31. ዳምባ ላንሣኻም ካና፤ ‘ሃሳ ጉልን ኤናም ፓይላ ሃም ሃናሻያግያ ናሽማ።’ ዳምብና ክናሳ አባራ ዳምቢ ሳጊ ቆልማም።”
- 32. ኤያ ሙሴ ዳምብን ኡካያ ክግያ ይንታና ክያማዶ፡- “አስታማራዮ፤ ያ ልኪና ሃጌያዶ፤ ኖ ካላ ሶጎ ክዶንቤ ክሳ አባራ ባርዮ አብ ኮቆልምንቤ ሃጌያዳ አጋ ልኪና ሃጌያዶ።
- 33. ኪም ሃሳ ዎይላምሮኻ ቡላቴቤ፤ ሃሳ ቃቦንካቤ፤ ሃሳ ካንታንካቤኻ ናሻዳይኖ፤ ሃያንቴ ሃሳ ጉልን ኤናም ሃም ሃናሻያግያ ናሻዳይኖ ቆላቤ የራ ባሪያ ናንቴ ኮቃዳይና ፓይላቤ የራ ዋኒ ባሪያናንቴ እንዳይናቤሳ ሳጊና።
- 34. የሱስካም ክናንቴ ኤያ ጎንዴ ክማሳዶን ሼዳንቴ ኤያ ግያ፤ “ያ ባሪያሳ ማንግስትን ካላ ፔጌ ትማም ሃዶና” ክያማዶ። አጋሳ ራስባራ ኤዲ ክካላ አይሶ አይሳናንቴ ዛጋዳ ቆልማም።

**ክርስቶስ ሃው ናሶቴ?**

- 35. የሱስ ባርዮን አኖንሣ ሻንሮጎ ይታማርሳን ዋዳንካ ይንታ ሃማንቴና አይሶ ክአይሳዶ፤ “ኤና ሙሴ ዳምብን ኡካይና ክርስቶስ ዳዊት ናሶና ሃስ ኬያሜ?”
- 36. ዳዊት ይባራንካ ኡስን ጋዛንካ ክሳ ጌይዲ፤ “ጌጳ ጌጳ እሳናንቴ፤ ‘ጋላ ሃሳም ሃሳ ራንሣ ችባራ እሳ ሃያዛራ ያ እሳ ምዛቅባራ ዳርቅማና’ ክያማዶና” ክያማይ።
- 37. ታ ናንሢ ዳዊት ‘ጌጳ እሳ’ ክያማዳና ሃስ ዳዊትሳ ናሶ ክዴ?” ዛርስኖ ጴጥኖኻም ኪም ዋዛኻ ኤሳርቴና ኮዶ።
- 38. ኖ ኬም ይታማርሳን ዋዳንካ ኬግያ ይንታና ክያማዶ፡- “ኤና ሙሴ ዳምብን ኡካይና ካላንካ የም ማንክማቴ፤ አፓላን ጉድጳንም አርሳንቴ ያያና ኬዛጋይ፤ ጋባን ጳልና ግድር ጎብንታ ጌሶና ኬዛጋይ፤
- 39. አይሁድናሳ ምስኮን አኖሮ ቦርኮቶና ሃልና ኬዛጋይ፤ ድግስን ራቅሮ ጎብንታ ራቂና ኬዛጋይ።
- 40. ካይስንሦ ባሪያም ጉዳጽ ምስክቴ ሜና ዳልሶናሳ አኖኒና ኬቡራይ፤ ኬ እግናዛራኻም ዳባምኖ ካዳይኖ ሳጊና።

**ኤስን ዳልሶኖ ብራ ኮእማዳ**

- 41. የሱስ ይንግድር ብሬን አርሳዳን የርንካ ልኪ ዳርቃንቴ፤ ኤዲ ጴጥ ባርዮን አኖንሣ ብሬን ይንግድር አርሳዳን ሳጥንንዛራ ብሬን ኬአርሳይንም ሼድቴና ክዶ። ኤዲኖ ዎድሞኖ ጴጥ ብሬ ጴጥ አርስዲና።
- 42. ኮዶን ኤዲ ሜ ዳልሶ ኩውፒ ካላ ሳንቲም ካላ ኻላ ሳግምና ናስን ግድርካ አሽካዳዳናም ሳንቲም ላማ ሳጥንሣ ኢሮ አርስዲና።
- 43. የሱስካም ይሳ ታማርና ግስማንቴ ይንታና ክያማዶ፡- “እንታ የናንቴ ጎንዴና እጌያይ፤ ኤስኖ ዳልሶኖ ኩውፒኖ ኮኖ ኤና ውል ካላ ሳጊና ኮእማዶ።
- 44. ኤና ክና ፓይላ ኮይሶን ይሳ ጴጥን ዶሮኻ ቁታና ኬእማዶ፤ ኮዶን ና ኩውፒ ዳአንቴ ይሳ ዳናም ፓይላ ቡላንቴ እኒ ይንካ ይዳንግያንዳናም ፑጭ እምዲና።

**ፔንሣ ቱንሥሮ የራ ሃማይና**

1. ኖ ባርዮን አኖንባራ ክውታና፤ ክሳ ታማርና ግደርካ ካላ ክግያ፤ “አስታማራዮ፤ ሱንና ሃሞንታ ኪዶንቤ፤ አኖኖኸሞ ሃሞንታ ኅብ ኮዶንም ሼድማ ና” ክያማዶ።
2. የሱስካሞ ማሳንቴ ክግያ፤ “አኖና ጌጲ ጌጲና ክናም ሃፓው ሃያፓይ? ሱና ዋ ዋዛራ አጋንታ ይዳዛራ ዳማሞ፤ ፓይላ ውል ኮስማና ኬኮስማይ ና” ክያማዶ።
3. የሱስ ባርዮን አኖንካ የካ ዳብሬ ዘይት ጌማርታዛራ ዳርቃንቴ ክዳኻ፤ ጴጥሮስቤ፤ ያዕቆብቤ፤ የሞንስቤ፤ እንድርስቤ ይንታ ሃማንቴና ክካላ ኬአይሳዶ፡-
4. “ይንዳ ዎናንቴ ጌይማ፤ የራ ክና ፓይላ ሃ ኬያሜ? የራ ክና አኻራ ኬያምማ የራ ሃማያ ሃርቴ?”
5. የሱስ ኬግያ ይንታ ሃማን ካርስዲና፡- “ኤዲ ካላኸሞ የም ሱዳን ኮጋሬኸናንቴ የም ማንክማቴ፤
6. ኤዲኖ ጴፀኖ ‘እንታ ኖና’ ሃማንቴ እሳ ናብንካ ናአና ኮናአይ፤ ኤዲ ጴጊምካሞ ሱዳና ኬሱዳይ።
7. ባንቆንቤ ባንቆንቤሳ ዴላቅ የኤሳርና የቃሥምናኖ፤ አጎኖኸሞ ሃምማና ኮያማይ ካላኸሞ ሸዲማሞ፤ ኮዶንካሞ ቱንሥኖ አኻራና።
8. ቶርስኖ ዋ ቶርስን ዋዛራ፤ ማንግስት ዋ ማንግስት ዋዛራ ዳጳና ኮዳጳይ፤ ራቅ ጴፀ ግደር ዚጋንቤ ዳቆቤ ዳና ኮዳይ፤ ጋሎና እግና ፓይላ አኻራ እሢማንሣ ካርሲና።
9. ኮዶን የቲህ የናንቴ ፓኸልዲማቴ፤ ኤና የም ኤና ብቶን ታኸይናናንቴ ሳስካንቴ እማና ኬእማይ፤ አይሁድናሳ ምስኮን አኖን ግደር የም ዳና ኬዳይ፤ እሳ ማኚ የዴኸናንቴ እሳ ናብንካ ሃማንቴ ኤና ፔንሣ ጋርናቤ ኤና ፔንሣ ብትናቤሳ ዎትሮ ዎያና የዎያይ።
10. ኮዶን ብርሳንቴ ቶርስን ፓይላ ውል ናንቴ ዴላቅን ፃሊንም ኮጌይዴ።
11. የም የዳንቴ ብቶንዛራ ባዳያ ዋዳስካ ሳአታ አጋኸ የናንቴ እንዳይናም ጌይማቴ፤ ሃር ዎጌይ ሃማንቴ ብርሳንቴ የቃብምናኖ፤ ዴላቃይኖ ኡስኖ ጋዛኖና የቲህ ትማሞ።
12. እንዳ ናሳ ይሳ እንዳ ናሳም፤ እንባኸሞ ይሳ ናሳም ዴሳዴኸናንቴ ሳስካንቴ ኪም እማና ኬእማይ፤ ናናኸሞ እምባናቤ እንዳናቤናንቴ ኤሳርማሞ፤ ኬምኸሞ ዴሳና ኬዴሳይ።
13. የቲህ እንካ ሃማንቴ ኤዲ ፓይላ ውልካ ቶዛዳድዳና የዳይ፤ ኮዶን ኤያ ቱንሥንዛራ ዋቻዳዳ ዳቃና ክዳቃይ።
14. ‘ካዮን ሲያሞን’ ዎያዲሞን ራቅሮ ዎያንቴ የሼዳያ ዋዳስካ፤ ዋርቃትን ናባባዳ ክዶቅቤ፤ ኤና ይሁዳ ግደር ዳና ጌማራዛራ ኬጎቤ።
15. ኤያ አኖንሣ ዱርሮን ዳኸሞ ሃንቻን ክጋሬ፤ ኮይና ኢሮን ዳናም ቡላናንቴ ይሳ አኖንዛራ አርዳን ክጋሬ።
16. ኤያ ይሳ ሃምሮን ዳኸሞ አፓላን ይሳም ቻናንቴ አኖንዛራ ማታን ክጋሬ።
17. ሮሮና እግናኸ ሜና ሲርማናቤ ሜና ናናም ቆአሻይናቤናንቴ ሃይ!
18. ጋሎኖ አጎኖኸሞ ባርግን ዋዳንካ ዳአን ኮጋሬኸናንቴ ምስክማቴ።
19. ቤሬ አጎኸ አና ብራንቴ ባሪያ ፔን ክዎዳዳኸ ካርስንቴ ካ ዎዳዛራ ሃያንቴ ቤሬ ብራዛራኸሞ ይንካን የክንሣዲማን ቆልማ ጋሎ ጌጲና ኮዳይ።
20. ጌጳ እኒ ሮሮናም ክዴሳድምና እኒ ኤዲ ካላኸሞ ዳቅማሞ፤ ኮዶን ኤና ካማዳዳና ኖ ይናንቴ ይካማዳናናንቴ ሃማንቴ ኖ ሮሮናም ዪድስዲና።
21. ዋዳ አጋኸ ኤዲ ካላኸሞ የግያ ‘ክርስቶስ ኮታሪና ክዶ’ ዎይካሞ ‘አጎታሪና ክዶ’ ክያምና የአምኒናኖ።
22. ፖጋሞን ኤና ክርስቶሲናቤ ፖጋሞን ኤና ባሪያሳ አፖን ጌያይናናቤ ዳጳንቴ፤ የራ ሃሚማን ግያንዳናምቤ የራ ሃሊናቤም አኸካንቴ ኬ ይቻላያዳና ኤና ካማዳዳናም ካውል ሱዳና ኬሱዳይ።
23. አጋታኸ ፓኸላ ዳማቴ፤ አኻራ ዋዳኖ ኮየስክማ እንታ የናንቴ ጌይዲና።
24. ቤሬ ዋዳ አጋኸ ጋሎን አጎሳ ራስባራ ሓዮኖ ፅፓና ኮፅፓይ፤ አርፒኖኸሞ ሮጲማሞ፤
25. ኤዚናኸሞ ፖላንባራኸ ቲርካና ኬቲርካይ፤ ፖላንሣ ካንታናኸሞ ዋጃና ኬዋጃይ።
26. ዋዳ አጋኸ ኤዲ ናሶ ካንታ ጌጲካቤ፤ ጎሺንቤኸ ማታንቴ ሉፒንካ ክናአይንም ሃፓና ኬያፓይ።

- 27. ኖ ይሳ ኤርትራን ኤናም ገለጻችሁ፤ ፔንሣ ማራና አይድና ባራንካ፤ ፔንሣ ማራሮካ ካርሳንቴ ፖላንሣ ማራንዛራ ኤና ክናንቴ ካንዳዳናም ፑኡሻና ኬፑኡሻይ።
- 28. ዳይንሣም ባላስን ሃቃስ ካላ ታማርማቴ፤ አንትና ጫጋን ኬካርስናቤ፤ ቃልጾና ኮዳን ኬካርስና ባርግኖ ኮየስካዶንም የቲህ ደሳና የደሳይ፤
- 29. ሃያንቴ የራ እግና ሃምማን ኬካርሳዶን የያፒና፤ ክሳ ናእንቶኖ ኮየስካዶንቤ ኖ የሳ ሻንን ካላ ክሳናዶንም ደስማቴ።
- 30. እንታ የናንቴ ጎንደና እጌያይ፤ የራ እግናሳ ሃምማዛራ ሃርያኖ ኮኖ ሳግማሞ፤
- 31. ፖላንቤ ፔንቤ ሳጋና ኬሳጋይ፤ ኮዶን ደላቅኖ እሳ ሳግማሞ።

**ሮራቤ ሳኦታቤሳ ናእንቶንም ደሳሳይማሞ**

- 32. ኮዶንካሞ ሮራ አጋም ወይካሞ ሳታ አጋም ባሪያ ወምባሳ አባራ ጳ ፖላሮን ዳና ኤርትራን ኤና ወይ ናሳ ዳናካሞ ኤዲ ካላካሞ ደስማሞ።
- 33. አጋታካ ዋዳስ ሃ ክናአይንም የደስሞንታካ፤ የም ማንክማቴ፤ ዋቻዳንቴካሞ ምስክማቴ።
- 34. አጋካሞ አኖን ይሳም ካይስናናንቴ ጋራንቴ፤ ካይስናምካሞ ኬሳ ዋድማናዛራ አርሳንቴ፤ ዳቅማን ኤያ ዋቻዳንቴ ክዳቃኔካናንቴ ኤልቅማንቴ ያአዳ ኤዲና ክታካይ።
- 35. ታ ናንሢ ኤያ አኖን እምባ እባንን ወይካሞ ግዶጋልት ወይካሞ ባቻና ኬኤሊካ ወይካሞ ፔንሣ ሶፅሞ አፖ ክናአይንም የደስሞንታካ ዋቻዳንቴ ዳቃንማቴ፤
- 36. የደስማ ናዴ ራታንቴ የዳኳ የም ሃፓን ክጋሬ!
- 37. የናንቴ የራ እጌያዳናም ኤና ፓይላ ውልናንቴ ጌያና እጌያይ፡- ዋቻዳንቴ ካልማቴ!”

**ኤስኖ የሱስም ዋኦቲንካ ቃዳዶኖ**

**ማርቆስ 14**

- 1. ፋስካንቤ ባላሻንቤ ባዓላ የስካናንቴ ሮሮ ላማ ኮሽዳና ካህንናሳ ኤና ጋርናቤ ኤና ሙሴ ዳምብን ኡካይናቤ ጋሮካ የሱስም የዳንቴ ጎይ ይንካ ኪም ይዴሳያ ዛማቴና ኬዶ።
- 2. ሃያንቴካሞ “ዛርስኖ ወዛራ ደላቅ ዛርቦ ዳሳን ኮጋሬካናንቴ ባዓል ሮሮ ዳን ኮጋሬ” ሃምቴና ክጊያ ኬዶ።
- 3. ኖ ቢታንያ ግዶር ሙልካንባን ኤያ ስምኦን ሃንዳያ አኖሮጎ ዳርቃንቴ እስምቴ ክዳኳ፤ ሜ ካላ ሻንንሣ ዋቸን ናርዶስ ሃማንቴን ግስንዳን ዋኦቲን ጫንቃላማ አልባስጥሮስ ቃርምሽካ ባአንቴ ናእዲና፤ ና ቃርምሻም ደሳንቴ ክሳ ሜቴር ዋኦቲን ይንቅስዲና።
- 4. ኤና አጎታር ዳናሳ ዋኒ የራካ ዳጋሳንቴ ክጊያ ይንታ ሃምቴና ኬዶ፡- “ዋኦቲንም ሱን ሃርናንቴ ካይሳዴ?”
- 5. ዲናር ማቶ ማካንሣ ጳባራ ሻንሻንቴ ብሬናም ኤና ኩፕናናንቴ እኒ እማናንቴ ቻላና ቻልዳይ ሃማንቴ ኤስንም ኬ ጂቢዲና።
- 6. ኮዶን የሱስ ይንታና ኬግያ ክያማዶ፡- “ኮም ጋርማቴ፤ ሃርናንቴ ኮም የጋልንሺ? ና የር ዓል እናንቴ ሃይዲና።
- 7. ኤና ኩፕና ሮሮ ውል የላማና ኬዳይ፤ ሮራ የዛጋያካ ኬም ኬልሻናንቴ ቻላና የቻላይ፤ ኮዶን እንታ ሮሮ ውል የላማ ክንካ ዳማሞ።
- 8. ና እናንቴ ሃያናንቴ ይቻልዳግያ ሃይዲና፤ እሳ ዱክንናንቴ ኮዴካናንቴ ብርሳንቴ ና ኢም ቃዲዲና።
- 9. እንታ የናንቴ ጎንደና እጌያይ፤ ደላቅን ዓሊን ኮም ፔን ጋላፕንሣ ራቅና ይንግዶር ጌይዳይና ውል ግዶር የራ ኮያያዳም ይንካ ኮም ደቅሳንቴ ኮሳ የር ጌያና ጌይዳይ።”
- 10. አጋሳ ራስባራ ታማርና ክሳ ታጲ ላማና ግዶር ካላ አስቆሮቱ ፔን ጋንታ ይሁዳ ኪም ሳስካንቴ እማናንቴ ኤና ካህንናሳ ጋርናዛራ ያእዲና።

11. ኬኸሞ እግናም ይኤሳራና ዋዝንዲዲና፤ ክናንቴ ብሬ እማናንቴ ናሽዲና፤ አጋታኸ ኪም ይንካ ሳስካንቴ ይእማዎ ዋዳ ልኪ ሃማ ዛግቴና ክዶ።

**ጌዳሳ እባንን ዳአንኖ**

12. እያታ ፋስካን ጋንታም ይንካ ማቻዳዎ ባላሻን ባዓላሳ ሮራ ካርሳ ጋላ ታማርና ክሳኸሞ ክካላ ናዴ ክግያ፤ “ፋስካንህ እባንን ዳአኖን ሃናንቴ ሃንታር ዎአሽኬኸናንቴ ሃዛጌ ና?” ኬያማዶ።

13. ኖኸሞ ታማርና ይሳ ላማም ይንታ ሃማንቴና ክይእሳዶ፡- “ካታማንዛራ ይማቴ፤ ኤዲ ዳንካ ኑንቆን ባስክሳዳ የላማ ኬራና ክኬራይ፤

14. እና ይዛራ ክአርዳዳዛራ ኪም ጫግማቴ፤ ኤያ አኖንህ እምባግያ፤ ‘አስታማራ፤ “እሳ ታማርና ላማ ፋስካንህ እባን ዳአኖንም ይንግዶር እህያ ቸችና ይዎድማዎ ራቃ ሃማቴ?” ሃምዲና ሃምማቴ፤

15. ኖ አኖንህ እና ጳባራን ዳ ግዶር ራቅ ዎርሪ ዴዴ ይንግዶር አፓዶኸ ይዳ የናንቴ ዳዋና ክዳዋይ፤ አጋር ዎናንቴ አሽክማቴ።”

16. ታማርና ክሳኸሞ ዉታንቴ ካታማንዛራ ያእዲና፤ የራ ፓይላ ውል የሱስ ክጌያዳግያ ሃምማንቴ ኬዳኸ ኬ ሃፕዲና፤ ፋስካን ዳአኖንም አሽክዲና።

17. ኮእባናና የሱስ ታማርና ይሳ ታጲ ላማና ላማ ክንካ ናእዲና።

18. እሥማናንቴ ዳርቃንቴ ኬዳኸ፤ ኖ ኬግያ “እንታ የናንቴ ጎንዴና እጌያይ፤ የሳ ባክሮ ካላ እላማ ክንካ እሥማያ አጋ ኪም ሳስካንቴ እማና ክእማይና” ክያማዶ።

19. ኬኸሞ እልል ጃይዲና፤ ኬ ፓይላ ካላ ካላኸ ክግያ “ኬዳ እንታው እዳይ?” ሃማን ካርስዲና።

20. ኖ ኬግያ ይንታና ክያማዶ፡- “ታጲ ላማና ግዶር ካላ እላማ ክንካ ሻርቃንሳ ኢሮ አንን አርሳያ አጋ ኖና።

21. ኤዲ ናሶ ዋርቃትሮ ክሳ ኡካዳዳግያ ያእና ክያእይ፤ ኮዶን ኤያ ኤዲ ናሶም ሳስካንቴ እማያ አጋናንቴ ሃይ! ኤያ አጋም እኒ አዳድድምና ክናንቴ ባሺና ኮዳይ።”

22. ኬእሥምካኸሞ ባላሻንም ቻንቴ ፑጋንቴ ቁንፃንቴ ታማርና ይሳናንቴ እማንቴ፤ “ችማቴ፤ ኮኖ እሳ ዋኖና” ኬግያ ክያማዶ።

23. ሻርቃንካሞ ዳሳንቴ ፑጋንቴ ኬናንቴ እምዲና፤ ኬ ፓይላ ውል ኮግዶርካ ውጭዲና።

24. ሃያንቴ ኬግያ ይንታና ክያማዶ፡- “ኮኖ ኤዲ ውል ናንቴ ይንቅማይኖ ቃሽን ማአስኖ እሳና፤

25. እንታ የናንቴ ጎንዴና እጌያይ፤ ባሪያሳ ማንግስትሮ ዎይንን አፕን ሃሊን እውጫያ ሮራሳ የስካዛራ፤ ናንሢ ካሳ ራስባራ እንታ ኮታርካ ውጭማሞ።”

26. ዋርሳ ዳሳንቴ ቱንሥሮ ዳብሬ ዘይት ጌማርታዛራ ኬ ዉቲዲና።

**ጴጥሮስ እንታ ኪም ጴስማሞ ሃንቴ ክዜርማንም የሱስ ብርሳንቴ ጌይድና**

27. የሱስ ኬግያ ይንታና ክያማዶ፤ ይንታ ሃማንቴ ዋርቃትሮጎ ኡካዳዳግያ የቲህ ፓይላ እግያ ዎትይ ኪም ዴስማሞ ሃንቴ ዜርማና የዜርማይ፤ ግሽሞን ኤም ዳና እዳይ እያናካሞ ላልማና ኬላልማይ።”

28. ኮዶን እዳዲና ዬም ብራንቴ ገሊላዛራ ያእና እያእይ።”

29. ጴጥሮስካሞ ኤና ፓይላ ሃም ጋራንቴ ኬላልማዳናኸሞ እንታ ሃም ጋራንቴ ይማሞና ክያማዶ።

30. የሱስካሞ ጎንዴና ሃናንቴ እጌያይ ሶታ ካካ አካራ ባቻና እይ ላማ ኬኤልማ እይ ማካም እንታ ኪም ዴስማሞ ሃማንቴ ዜርማና ሃዜርማይና ክግያ ክያማዶ።

31. ጴጥሮስካሞ ሃላማ ክንካ ጃዳዳዳናካሞ ካላካሞ እንታ ሃም ካላኸሞ ጋራንቴ ይማሞ ሃማንቴ ጌይዲና ታማርና ዋንካሞ ፓይላ አጎንታ ሃምድና።

**የሱስ ጌቴሴማኒ ግዶር ምስክድና**

- 32. አጋሳ ራስባራ ራቃ ጌቴሴማሰኒያ ሃንዳያዛራና ኬያአዶ፤ የሱስካም ይሳ ታማርና ግያ እንታ ቃልቴ እምስኬ የቲህ ኮታር ዳርቅማቴና ኬግያ ክያማዶ።
- 33. ጴጥሮስቤ፤ ያዕቆብቤ፤ የዋንስቤም ይንካ አንሳንቴ ያእድና፤ ካሎን እልል ጃንቴ ቃብማን ካርስድና።
- 34. ሃያንቴ እሳ ሳዳኖ እሳ ጃዛራ ካሎን እልል ጃይድና፤ የቲህ ካሮ ዋቻዳንቴ ካልማቴና ኬግያ ክያማዶ።
- 35. ሾል ያአግያ ሃያንቴ ኮቻሊማያዳና ዋዳስ አጋ ክካላ ክሳጌኻ ናንቴ ምስካንቴ፤
- 36. አባ አባዮ የር ፓይላ ውል ሃናንቴ ኮቻሊማንታኻ፤ ጋላካም እካላንካ ፔግንስማ፤ ኮዶንካም እንታ እቃባዳግያ ዳን ኮጋሬ ሃያ ሃቃባዳግያ ኮዴና ክያማዶ።
- 37. ማታቴ ክንና ታማርና ክሳ ፓይላ ዎዳንቴ ኬዳኝና ክያፓዶ፤ ጴጥሮስ ግያኻም ይንታና ክያማዶ፤ ስምአን ያዎዲድው? ሳአት ካላ ናንቴ ኬኬራዳያ ሃም ባሺድው?
- 38. ጋሎንዛራ አርዳን ጋራናንቴ ዋቻዳማቴ ምስክማቴ፤ ኡስኖ ሼኪምና ኮዶን ዋኖ ዎሳ ካንታ ቃጃና።
- 39. ፕርካም ቃልቴ ምስካ እን ብራን ይምስካዳም ማሳንቴ ምስክድና።
- 40. ፕርካም ማታቴ ክንና አፕ ኬሳ ኮግይዳኝ ዎዳንቴ ኬዳኝና ክያፓዶ፤ የራ ክናንቴ ማስቴይዳናም ኬ ዴስማም።
- 41. እያ ማክንሳም ናዴ ይንታና ኬግያ ክያማዶ፤ ታካም ዎዳንቴ የኡኩንሳዳዘራው የዶ? የክድና! ዋዳናኖ የስክድና ኤዲ ናሶም ሴሶን ኤናሳ አንሮ ሳስካንቴ እማና እንዳይ።
- 42. ዳዲማቴ ዎኤ እም ሳስካንቴ እማያ ናእድና።

### የሱስም የዳዲዲና

- 43. አጋዛራ ሃሳውቴ ክዳኝ ታማርና ክሳ ታዲ ላማና ግዶር ካላ አስቆቴ ፔንጋታ ይሁዳ ናእድና፤ ክላማካም ክንካ ሃልፓንቤ ቁራንቤ የዳንቴን ዳና ካይናሳ ኤና ጋርናቤ ኤና ሙሴ ዳንብን ታማርሳይናቤ ዛርስናሳ ዞንዛና ካላንካ ንእሳዳዳ ኤዲ ዱፅና ዶና።
- 44. ሳስካንቴ እማያካም እንታ እሱንቃያ አጋ ኖና ኪም የዳንቴ ባሊ አንስማቴ ሃማንቴ ብርሳንቴ ኬናንቴ ጌይድና።
- 45. ይየስካናካም አጋዛራ የሱስዛራ ናዴ፤ አስታማራዮ ሃማንቴ ኪም ሱንቅድና፤
- 46. ኤናካም የሱስም የዳንቴ ዳክድና።
- 47. ክካላ ኤና ዎያንቴ ዳና ግዶር ካላ ሃልፓን ጉቻንቴ ካይናሳ ኤና ጋራሳ ካይስታሳ ቃምን ታክድና።
- 48. የሱስ ኬግያ ይንታና ክያማዶ፤ ቃው ኤዲ የዳያግያ ብላ ባቻንቤ ቁራንቤም ባአንቴ እም የዶታው የናአዶ?
- 49. ሮሮ ውል ባርዮን አኖንሳ እሮ ታማርስቴ የላማ ክንካ እዶን የቲህ እም የዳድም፤ ዋርቃትሮ የራ ኡካዳዳና ኬያሜኻ ናንቴ ኮኖ ፓይላ ውል ሃምድና።
- 50. ዋዳስ አጋኻ ፓይላ ውል ኪም ጋራንቴ ላልምድና።
- 51. ይም ክጫናንቴ ጫርቄ ሾልጮ ዳክዳንቴን ዳ ናሶ ባርሻ ካላ የሱስም ጫግቴና ክዶ። ኤናካም ናሳ ባርሻ አጋም ኬየዳና፤
- 52. ጨርቃ ይዳክዳዳም ዳባንቴ ፑርድንቆ ኅብቴ ያእድና።

### የሱስ ኤና ብቶን ታካይናሳ ዎትሮ

- 53. የሱስም ካይናሳ ኤያ ጋርናዛራና ኬንሳዶ፤ አታር ካይናሳ ኤና ጋርናቤ ዞንዛናቤ፤ ኤና ሙሴ ዳምብን ታማርሳይናቤ ፓይላ ፑጭድና።
- 54. ጴጥሮስ ፔጌካ ጫጋዳቴ ኤያ ካይናሳ ጋራ ሞሮንዛራ አርዳንቴ አጎታር ኤያ ካይናሳ ጋራሳ ካይስና ላማ ኖን ሾሊንዳቴና ክዶ።
- 55. ካይናሳ ኤና ጋርናቤ ኤና ብቶን ታካይናቤ የሱስም ዴሳናንቴ ኤዲ ክዛራ ማኛም ዎያያና ኬዛጋዶ፤ ኮዶንካም ኤዲ ማኝ ሃፓናንቴ ኬ ቻሊድማም።
- 56. ኤዲ ዱፅ ክዘራ ማኛምን ኬዎያዶንካም አፖ ኬሳ ኪም ጋአድማም።

- 57. ኤና ዋን ይንታ ሃማንቴና ፖጋሞኻ ክዛራ ኬታርጃዶ፤
- 58. ኤያ ካሃ ኤዲ አንካ ባሪያ ኦኖን አሽካዳዶንም ኮሳንቴ ሮሮ ማካንሳ እር ኤዲሳ አንካ አሽካዳዶማ ኦኖ አብ ወይሳና እዎይሳይና ሃማንቴ ክጌያዶን ዎትይ ኤሳርዲና።”
- 59. ኦጎንታ ሃንዶኳ ታኻሞ አፖ ኬሳ ኪም ጋአድማሞ።
- 60. ካይናሳ ኤያ ጋራ ዳደንቴ ክሳ ዎትሮ ዎያንቴ፤ ኤናሳ ሃዛራ ታርጃዳይኖ ኮኖ ሃርቴ? ሃርቴ ኬናንቴ አፖ ሃማስሞኖ?” ሃማንቴ የሱስ ካላ አይሰድና።
- 61. ኮዶን የሱስ ታካሞ ጫክ ሃማንቴና ክዶ፤ ካላካሞ አፖ ኬዛራ ማሳድማሞ፤ ኤያ ካይናሳ ጋራ ፕርካሞ ጌዳ ናሳ ክርስቶስ ያው?” ሃማንቴና ክአሳዶ።
- 62. የሱስካሞ ይኒ እንታና፤ ኤዲ ናሶ ብታሳ ምዛራቅባራ ዳርቃቴ፤ ፖላንሳ ሉፒንካኻሞ ክናአይንም ሃፓና የያፓይና ክያማዶ።
- 63. ኤያ ካይናሳ ጋራካሞ አፓላን ይሳም ሃአሳንቴ ይንታ ክያማዶ፤ ካሳ አባራ ማኛሞ ሃሳማ ዎዛጌ?
- 64. እርሞና ክሳም የቲህ ኤሳርድና፤ ታ የካላ ናንስ ሃር ኮታኬ?”፤ ኬካሞ ዴሳዴ ሃማንቴ አፖ ካላኻ ክዛራ ብቶን ታክድና።
- 65. ዋዳ አጋኻ ኤና ዋን ክዛራ ፓፅን ማማን ካርስድና፤ አፕ ክሳም ክጫንቴ ኪም ዶቅቴ ይንዳ ሃም ዳዳ ሃውቴ ዎናንቴ ጌይማ!” ሃሚቴና ኬዶ። ካይስናኻሞ ኪም ጫአዳቴ አንስድና።

**ጴጥሮስ የሱስም እንታ ጴስማሞ ሃምድና**

- 66. ጴጥሮስ ግብንሳ ቸባራባራ ክዳኳ ኤያ ካይናሳ ጋራሳ ሜና ካይስና ግዶር ካላ ክዛራ ናእድና፤
- 67. ጴጥሮስ ኖን ካሾልዲካ ሃፓንቴ ኪም ላይ ሼዳንቴ ያኻሞ ናዝሬት ግዶር የሱስ ላማ ክንካና ሃዶና ኮያማዶ።
- 68. ኮዶን ኖ ሃጌያን ኦጎም እንታ ጴስማሞ እናንቴ አርድማሞካሞ ሃማንቴ ዜርምድና፤ ሃያንቴ ሙዳፖን አርደንዛራ ያእድና ዋዳን ኦጎካ ባቻና ኤልድና።
- 69. ካይስቶኖካሞ ኤና ኦጎታር ዎያንቴ ዳናግያ ኤያ ካኻሞ ኬግዶር ካላ ሃማንቴ ፕርካሞ ጌይድና።
- 70. ኮዶን ፕርካሞ ኖ ዜርምድና። ዋዳ ቶካሳካሞ ራስባራ ኤና ኦጎታር ዎያንቴን ዳና ጴጥሮስ ግያ ገሊላ ኤዲ ሃዶንታኻ ያሃካሞ ኬሳ ካላና ኬያማዶ።
- 71. ኮዶን ኖ ኤያ የጌያያ አጋም እንታ ጴስማሞ ሃማንቴ አሺንሻንቴ ኪም አሻንካሞ ካርስድና።
- 72. አጋዛራ ባቻ እያ ላንሳም ኤልድና፤ ጴጥሮስካሞ አካራ ባቻ ኬኤልማ እይ ማካም እንታ ኪም ጴስማሞ ሃማንቴ ዜርማና ሃዜርማይ ሃማንቴ የሱስሳ አፖ ጌያዳዳ ክናንቴ ዶቅ ሃምድና። ሃያንቴ ጌዲ ኤፍድና።

**የሱስ ጲላጦስሳ ዎትሮ**

**ማርቆስ 15**

- 1. ቡር ዋዳ ካይናሳ ኤና ጋርናቤ ዞንዛናቤ ኤና ሙሴ ዳምብን ታማርሳይናቤ አይሁድናሳ ኤና ብቶን ታካይናቤ ፓይላ ክንካ ሃሳሞንቴ የሱስም ዳኻንቴ አንሳቴ ቃልቴ ጲላጦስ ናንቴ ሳስካንቴ እንዲድና።
- 2. ጲላጦስካሞ ያ አይሁድናሳ ብታው? ሃማንቴ አይስድና፤ የሱስካሞ ያ ጌይድና፤ ሃማንቴ ክናንቴ ማስድና።
- 3. ካይናሳ ኤና ጋርናካሞ የር ዱፅካ ኪም ቤርንስድና።
- 4. ጲላጦስካሞ ሃርቴ ይናንቴ አፖ ሃማስሞኖ? ኤና ሃም የር ዱፅካ ቤርንስቴና ኬዶ ሃማንቴ ፕርካሞ አይስድና።
- 5. ኮዶን የሱስ አፖ ካላካሞ ማሳድማሞ ጲላጦስ ናንቴ የር ዋና ማትድና።
- 6. በዓልን ዋዳንካ ዛርስንሳ ኬናንቴ ቡልዴኻ ናንቴ ዳክን ኤያ ኬዛጋያ ቡልዳያ ዳምብ ኬሳ ዳይድና።
- 7. ዋጭንካ ሃማንቴ ኤና ኤዲን ዴሳዳ ጋሮን ኤና ላማካሞ ክንካን ዳካዳዳ ባርባን ሃማንቴን ግስንዳያ ኤዲ ካላ ዳይድና።
- 8. ዛርስኖ ናዴ ሌሌ ዳዳዳግያ ኬናንቴ ሃይዴኻናንቴ ጲላጦስም ምስክድና።
- 9. ጲላጦስኻሞ አይሁድናሳ ብታም የናንቴ እቡሌኻናንቴ ዛጋው የዛጋይ?” ሃማንቴ ኬካላ አይስድና።

- 10. አጎኖካሞ ካይናሳ ኤና ጋርና የሱስም ይናንቴ ሳስካንቴ ኬእማዶኖ ጋሮ ኮዶንም ይዴሳዶንታኻና።
- 11. ኮዶን ኤና ካይናሳ ጋርና ራቃ ክንታሮጎ ባርባንም ኬናንቴ ቡጵካናንቴ ዛርስን ላማ ክንካ ሞላውዲና።
- 12. ጲላጦስ ፕርካሞ ታ ናንስ አይሁድናሳ ብታ ሃማንቴ የጌያያም ሃስ እያዬኻ ናንቴ የዛጌና? ኬግያ ክያማዶ።
- 13. ኬ ፍርካሞ ዝቲማ ሃማንቴ እላቲድና።
- 14. ጲላጦስካሞ ሃርናንቴ? ሃርቴ የራ ዛርባ ክሴሳዳና ኬግያ ክያማዶ። ኮዶን ኬ ካሎን ዝቲማ ሃማንቴ እላቲድና።
- 15. ጲላጦስካሞ ዛርስንም ዋዝንሳናንቴ ባርባንም ኬናንቴ ቡልድና፤ ኮዶን የሱስም ዳይሳንቴ ዝታዴኻንቴ ሳስካንቴ እምድና።

**ዎታዳርና የሱስም አልንስድና**

- 16. ዎታዳርና ኘራይቶሪዮን ሃንዳያ ራቃዛራ ኤያ ፔንሳ ብታ ሞሮንዛራ ኪም አንስድና፤ ሳራውትናም ፓይላ ራቅ ካላዛራ ኬፑእሻዶ።
- 17. አፓላን ዛዎን ኪም አርስሳንቴ ኡኩምን ጋሊግያ ቁራንቴ ክሳ ሜቴሮና ኬያዶ።
- 18. ሃያንቴ አይሁድናሳ ብታ ዓልኖ ሃንቴ ኮዴ!” ሃንቴ ኬ ኪም ጌስዲና።
- 19. ኬ ሜቴ ክሳም ቴሌኻ ዳይዲና ፓፅንካሞ ክዛራ ማማዲድና፤ ኮንፓርሳንቴ ኬ ክናንቴ ጉንስንዲድና።
- 20. ኪምካሞ አሊንሳንቴ ራስባራ አፓላን ዛዎን ክዛራዶን ቻንቴ አፓላን ክኖንም ኪም አርስሳዲድና፤ ኪም ዝታናንቴኻሞ አንሳዲድና።

**የሱስም ዝታዳኖ**

- 21. አሌክሳንድሮስቤ ሩፎስቤ እንባ ስምኦን ሃንዳያ ቀሬና ፔን ኤዲ ካላ ገጠርን ባራ ክንካ መስቀልንም ክቤኤኻናንቴ ኪም ኬ እሽክንሲድና።
- 22. ሃንቴ የሱስም ራቃ ዎካልሳ ሜቴን ጉሳ ሃንቴን ግስንዳያ ጎልጎታዛራና ኬአንሳዶ።
- 23. ክርቤን ላማ ዎርሳዳዶን ሃቃስ ወይና ዝአንም ኬ ክናንቴ እንዲድና፤ ኮዶን ኖ ውጫዲማሞ።
- 24. ሃያንቴ ኪም ዝታዲድና፤ ኬዛራ የስካያ ኮዶንም ዴሳናንቴ ቡክና ኬዳባዶ አፓላን ክሳም ኬ ኪም ካሺዲና።
- 25. ኪም ኬዝታን ዋዳኖ አካራ ቡርንሳ ሳዓት ማካንቤ ግዶርና ኮዶ።
- 26. ዋርቃታ ኪም ይንካ ቤርንሳዳ አይሁድናሳ ብታ ሃማያና።
- 27. ክላማ ክንካ ኤዲ ድብ ላማም ካላም ክሳ ምዛቅባራ ዋም ክሳ ዋርካታባራ ሃያንቴ ዝታዲድና።
- 28. አና ዋርቃትናሳ ኤና ጋሮን ኤናላማ ኪም ፓይዳዲድና ሃንዳዶኖ ጎያ አጋኻ ሃምድና።
- 29. ኤና ጎይንካ ሳጋይናካሞ ሜቴ ይሳም ጁግቴ እርሞ ዱፅ ኪም እራንቴ ይንታካሞና ሃምቴ ኬዶ፤ ሃያ ሃፓዳይ! ባርዮን ኦኖንም ኮሳንቴ ሮሮ ማካንሳ እሮጎ አሽካያ ያና፤
- 30. ይንዳ ናንስ መስቀልን ባራን ሃንቻንቴ ሃም ዳአሽማ።”
- 31. ሃያንቴ ካይናሳ ኤና ጋርናቤ ኤና ሙሴ ዳንብን ታማርሳይናቤ ኪም ቦዋንቴ ክግያ ይንታና ኬያማዶ፤ ኤና ዋንም ዳአሽድና፤ ኮዶን ይም ዳአሻናንቴ ቻላዲማሞ።
- 32. ዎትይኻሞ ሃም ዎአምኔካናንቴ ካ ክርስቶስ ያካ እስራኤልና ብታ ይንዳ መስቀልሮካ ክያንቴ። ኤና ክላማ ዝታዳዳናካሞ ይንታ እርሞ ዱፅካ ኪም እርቴና ኬዶ።

**የሱስሳ ዴንዲኖ**

- 33. ሳዓታ ላኻ ካርሳንቴ ሳዓታ ሳልዛራ ፔ ሁል ግዶር ፅፓ ማትድና።
- 34. ሳዓታ ሳል ኮማታና የሱስ ኤሎሄ፤ ኤሎሄ፤ ላማ ሰባቂታኔ?” ሃማንቴ ናቅስ ይሳም ዴግ ሃንቴ እላትድና፤ ዎካልና ክሳካሞ ጌዳዮ ጌዳዮ ሃርናንቴ እም ሃጋራዴና ሃንፓዶ።
- 35. ኤና ኦጎታ ዎያንቴን ዳና ግዶር ዋን እግናም ይኤሳራና ኤልያስምና ክግስማይና ኬያማዶ።

- 36. ሃያንቴ ኤዲ ካላ ይርካ ቃልቴ ወይንን ዝኣን ጋኣዶን ፕራኻ ሃያንቴ ክውጩ ካናንቴ የሱስ ናንቴ እምድና፤ ሃያንቴ ይንዳ ጋርማቴ ኤልስ ናዴ ኪም ክያንቸሻም ወያፊና ክያማዶ።
- 37. የሱስካም ናቅስ ይሳም ዴግ ሃያንቴ እላታንቴ አጋዛራ ሳዳን ታክዲና።
- 38. ባርዮን ኦኖንሳ አፓላኖ ጋዳን ዳኻዳዶ ዳኻ ቻንቴ ላይ ችሆ ቱንስንዛራ ራቅ ላማ ኪም ካሺዲና።
- 39. የሱስካ ልክ ወያንቴን ዳ ፖሊስናሳ ማቶናሳ ኤያ ጋራ ኦንታ እላታንቴ ሳዳን ክታኻዶን ይያፓና ኤያ ካሃ ጎንዴንባ ባሪያ ናሳና ክያማዶ።
- 40. ዋዳን አጋኻ ሜና ፔጌ ወያንቴ ሼድቴና ኬዶ፤ ኪሳካም ባክሮጎ መግዳላዊት ፔን ጋይኖ ማርያምቤ ያዕቆብ ሾላቤ ዮሳ እንዳን ማርያምቤ ሃንቴ ሰሎሜኻም ኬላማ ዳይድና።
- 41. ሜና እግና ገሊላ ግዶር ኪም ጫጋይና ክናንቴ ዋድምቴን ዳናቤና፤ ሃያንቴ ክላማ የሩሳሌም ዛራ ሜና ዱፅና ናኦዳና ዋን ዳይድና።

**የሱስም ዱካዲዲና**

- 42. ፔኖ እባናዳቴ ንቴና ኮዶ ኡኩን ሳን ሮራ ናንቴ ይንካ ሼካዳያ ሮራ የስክድና፤
- 43. ኤና አይሁድናሳ ብቶን ታካይና ግዶር ካላ ባሪያሳ ናእንቶን ዋዳንም ካሊቴንዳ አርማትያስ ፔን ጋንታ ዩሴፍ ወይላም ዋቻዳንቴ ጲላጠስ ካላ ቃልቴ የሱስሳ ዋንም ምስክድና።
- 44. ጲላጠስካም ኦንታ ይርካ ክጃዶን ይኤሳራና የርሽድና፤ ፖሊስናሳ ማቶናሳ ጋራም ግስማንቴ ክጃኻ ሳዳት ሜም ኮዬስካዶንም አይስድና፤
- 45. ክጃዶንም ፖሊና ማቶናሳ ጋራኻላ ኤሳራንቴ ዋን ክሳም ዩሴፍ ናንቴ እምድና።
- 46. ዩሴፍካም ዋን ክሳም ሃንቺሻንቴ አፓላንካ ሳራንቴ ላይታሮካ ዱክን ኦሎን ኮይዳዶንሳ እሮጎ ዱክድና፤ ኦሎንሳ አፖንኻም ሱንካ ሹፑድና።
- 47. ማግዳላዊት ፔን ጋይኖ ማርያምቤ ዩሳ እንዳን ማርያምቤ ሃንታር ዱክቴ ኬዶን ሼድቴና ኬዶ።

**ዴንጲሮኻ ዳዲዲና**

**ማርቆስ 16**

- 1. ኡኩንሳን ሮራ ክሲንኻ ራስባራ መግዳላዊት ፔንጋይኖ ማርያምቤ ያዕቆብ አንዳን ማርያምቤ ሰሎሜቤ ቃልቴ የሱስሳ ብሽንም ቃዳናንቴ ዋኣትና ኬሻናዶ።
- 2. ሳንታሳ ሮራ ካርሳጋላ አካራ ቡር ዋዳ ሓያላ ውታሃ ዱክን ራቅንዛራካም ይቴ ዳንቴ፤
- 3. ዱክንሳ ሙልዳፖሮኻ ሃውቴ ወናንቴ ሱንንም ውንኩርሳያ? ሃማንቴ ክንካ ሃሳውቴና ኬዶ።
- 4. ካቺ ሃማንቴ ኬሼድና ሱንኖ ጌዶኖ ዱክንሳ ሙልዳፖሮኻ ውንኩርሰማንቴ ኮዳኻና ኬያፓዶ።
- 5. ዱክንሳ እንዛራ ኬአርዳ ኤዲ ጋር አፓላ ጫውል አርሳዳ ምዛራቅባራ ዳርቃንቴ ክዳኻ ሃፓንቴ ኬ ቃስምድና።
- 6. ኮዶን ኖ ኬግያ ይንታና ክያማዶ፤ የቃስምናኖ፤ የዛጋያ ዝታዳዳ ናዝሬት ጋንታ የሱስና ኖ ዳዲድና ኮታር ቆልማም ኪም ራቃ ይንግዶር የወዳዳ ካሼ።
- 7. ኮዶንካም ቃልቴ ክሳ ታማርናቤ ጴጥሮስቤ ናንቴ ዩም ብራንቴ ገሊላዛራ ያኣና ክያኣይ፤ የናንቴ ይጌያዳግያ ኦንታር ኪም ፓና የያፓይ ሃማንቴ ኬናንቴ ጌይማቴ።
- 8. ሜናኻም ቃስማንቴ ግባዛዳቴ ዱክን እሮኻ ጎብቴ ውትድና፤ ኩርቲንዳንቴ ይዶንታካ ኤዲ ናንቴ የር ካላኻም ጌያድማም።
- 9. ሳምንታሳ ሮራ ካርሳጋላ ቡርን ዴንዴን ባራ ይዳደዶንሳ ራስባራ፤ ኤስን ይንዛራን ቤሮ ሶዳን ይቡልዶን መግዳላዊት ፔን ጋን ማርያም ናንቴ ብራንቴ ሃፕንዲድና።
- 10. ና ቃልቴ ኤና ኣና ክላማን ዳና ቃብምቴ ኬኤፕካ ሃፓንቴ ኖ ሳዳንካ ክዶንቤ ኪም ይያፓዶቤም ኬናንቴ ጌይዲና።



11. ኮዶን ኬ ኮም አምናድማሞ።
12. አጋሳ ራስባራ ይሳ ታማርናሳ ላማ ናንቴ ጋጣርንዛራ ኬይካ ኤዲ አብግያ ማታንቴ ኬላማ ኬርዲና።
13. ኬ ማታቴ ናዴ እግናም ታማርና ክሳ ዋን ናንቴ ጌይድና፤ ይያማን ታማርና ዋን ኬም አምናድማሞ።
14. ሃያንቴ ታማርና ክሳ ታዲ ካላና ናንቴ ፑጫንቴ እስምቴ ኬዳኻ ሃፕንዲድና፤ ዴንዲንባራ ክዳደዶሳ ራስባራ ኤና ኪም ሃፓዳናሳ የራ ጌይዳዳናም ኬአምድሞንታኻ፤ ኬአምድማኻቤ ኬሳ ዎይላምሳ ዛርሞንኻ ኬዛራ ዋጭምዲና።
15. ይንታካሞና ክግያ ክያማዶ፤ ፔን ጋላፒን ሁልዛራ ይማቴ ወንጌልም ኤና ውል ናንቴ ታማርስማቴ፤
16. ኤያ አምናዳ ኑንቆንካ ሻይዳዳ ዳቃና ክዳቃይ ኮዶን ኤያ አምናድማዛራ ብቶን ታካና ታካዳይ።
17. ኤና አምናዳናም የራ ክና ኬም ጫጋና ኬጫጋይ፤ እሳ ናብንካ ቤሮናም ቡላና ኬቡላይ አፖ ሃልካሞ ደላቃና ኬደላቃይ፤
18. ጉኖንካሞ አንካ ይዳና ኬዱዳይ፤ የር ኤዲም ዴሳያ ኬውጭና ኬዛራ የር ዛርቦ የስክስማሞ፤ አንን ይሳም ኤና ሃጂሞናዛራ ኬዎዲና ኬ ፓሻና ኬፓሻይ።
19. ጌዳ የሱስ ክናም ኬናንቴ ጌያንቴ አጋዛራ ፖላንዛራ ዳዲድና፤ ባሪያሳ ምዛቅባራ ዳርቅድና።
20. ሃያንቴ ታማርና ናዴ ራቅ ሁል ግዶር ታማርስድና፤ ጌዳካሞ ኬንካ አሽክቴና ክዶ፤ ኬሳ ታማርንካ ሃማንቴ የራ ሃምቴን ዳናካ ጌዳሳ አፖኖ ኤና ዛራ አሽክቴና ኮዶ።